



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab Anno 429. Usque Ad Annum 483

**Fleury, Claude**

**August. Vind. [u.a.], 1759**

**VD18 90117816**

§. 5. Nestorii violentia.

---

[urn:nbn:de:hbz:466:1-66052](https://nbn-resolving.org/urn:nbn:de:hbz:466:1-66052)

§. V.

*Nestorii Violentia.*Sæculum V.  
A.C. 429.

Constantinopoli quidam Episcopus de-  
gebat, nomine Dorotheus, homo  
lucello inhians, adulator, temere præ-  
ceps. Is in plena Concione, Nestorio in  
sua Cathedra sedente, assurgens, elata  
voce edixit: *Si quis dicit, Mariam Ma-  
trem Dei esse, anathema sit!* tunc excla-  
mare omnis populus, & ex Ecclesia auf-  
fugere; nolens, cum illis communicare,  
qui talia eloquerentur. (\*) Et profecto! c. 10.  
illos excommunicare, qui Sanctam Virgi- c. 22. ad  
Acac.  
nem Matrem Dei vocabant, quid erat  
aliud, quam omnes Ecclesias, omnes Epis-  
copos tunc luce fruentes, & idem in uni-  
verso Mundo docentes, & omnes Sanctos  
defunctos, qui idem dixerant, excommu-  
nicare? dubitare vero nemo potuit, an  
sermo Dorothei Nestorio probetur, cum  
ipsum non modo nec unico verbo redar-  
guerit, sed etiam continuo ad SS. Myste-  
riorum participationem admiserit.

Aliqui ex Presbyteris Civitatis Con- c. 30. Libell.  
Basil. n. 2.  
stantinopolitanæ, postquam sæpius Ne-  
storium publice in suo conventu monuif-  
sent, cum viderent obstinatum permo-  
veri

(\*) Quamvis Nestorius in Hæresin prolapsus  
sit, nemo tamen ideo dixerit, etiam Ecclesiam  
Constantinopolitanam errasse, & a Communione  
Ecclesiæ Romanæ recessisse.

Sæculum V. veri non posse, ut S. Virginem Matrem  
A. C. 429. Dei, & Jesum Christum vere, & sua natura Deum diceret, aperte ab ejus Communionem recesserunt, alii secreto. Non nullis, quod novum dogma in Ecclesia Pacis maritima impugnassent, Prædicatione interdicta; hinc populus, videns se institutione Doctrinæ Catholicæ, quam audire adsueverat, privatum, exclamabat: *Imperatorem habemus, Episcopum non habemus!* (\*) non nulli de populo comprehensi, & in carcere verberibus affecti. Alii Nestorio in faciem coram populo, & in ipsa Ecclesia resistere ausi, male mulctati. Aliquis Monachus, de valde simplicium numero, impellente zelo, in medio Ecclesiæ stans, ubi populus erat congregatus, Nestorium, tanquam Hæreticum, ab ingressu prohibere voluit; is verberibus exceptus, Præfectorum manibus traditur, qui, præcedente præcone, publice virgis cæsum, in exilium miserunt.

n. 3. Basilius Diaconus, & Archimandrita,  
 & Thalassius Lector, & Monachus, comitanti-

(\*) Populus Constantinopolitanus existimabat, non sufficere Christianis ad æternam Salutem consequendam, quod Imperatorem haberent; Econtra A catholici dicunt: *non habemus Episcopum, nisi Regem.* Ergo vel populus Constantinopolitanus, & cum isto tota Ecclesia initio Sæculi V. erravit, vel A catholici hodie errant.

tantibus quibusdam aliis in Domo Episcopali, ut præceptum erat, Nestorium adierunt, ut certius explorarent, num quæ ex ipsius ore audierant, bene percipissent. Postquam advenientes audire distulisset, tandem, quid vellent, interrogavit. Tunc illi: *dixisti, Mariam non nisi hominis Matrem esse, ejusdem cum Matre naturæ, & rursus, quod ex carne natum, carnem esse; Hæc Doctrina in hoc sensu orthodoxa non est.* Illico, jubente Nestorio, comprehenduntur, & a Ministrorum cohorte inter continuas verberationes ad Episcopale ergastulum deducuntur; ubi vestibibus exuti, palis alligati, tum pavimento affixi, & pedibus conculcati. Diu detenti, & famem pati coacti, urbis Præfecto traduntur, qui in alium carcerem raptatos catenis onerat. Tum in Prætorium adduci jussos, nullo comparente actore, per suos lictores in priorem carcerem reduci mandat. Tandem Nestorius, ad se vocatis, captiose Doctrinam suam explicavit, & dimisit.

Basilii, & Thalassii libellum supplicem suo, & omnium Monachorum nomine Imperatori tradiderunt, in quo, postquam ea, quæ passi erant, narrarunt, rogant Principem, ne Ecclesiam, dum ipsi viverent, Hæresibus corrumpi sineret.

*Nulla vindictæ cupidine agimur, inquit: Deus scit! sed ut fides Jesu Christi in-*

*Hist. Eccles. Tom. VI.*

B

con-

Sæculum V.  
A.C. 429.

Nestorius.

c. 30.

n. 4.

Sæculum V. A. C. 429. *concussa servetur, efflictim cupimus. Rogamus te igitur, ut modo, & in hac Civitate ad pacandam Ecclesiam, & Prædicationem veritatis restituendam, antequam latius grassetur error, Concilium Oecumenicum convenire jubeas. Interim Nestorio non liceat, vi, minisve quemquam vexare, donec ea, quæ ad fidem pertinent, fuerint definita; eorum vero insolentia, qui Catholicis insultant, Præfecti Civitatis potentia compescatur. Quod si preces nostras contemnis, Regem Sæculorum testamur, qui venturus est judicare vivos, & mortuos, innocentes nos esse a malis, inde nascituris. In hoc libello etiam conqueruntur, Nestorium ad se tuendum non modo Clericorum suorum, & Syncellorum manibus uti, sed quorumdam etiam ex aliis Diocæsiibus, qui juxta canones in illis civitatibus, in quibus ordinati fuere, quiete vivere tenentur. Syncelli dicebantur Clerici, Episcopo familiarissimi, & in eodem cubiculo dormientes, ut de morum eorum puritate testes fideles essent.*

## §. VI.

*Libellus Mercatoris contra Pelagianos.*

*ed. Garn. p. 5.* **S**ub idem tempus Marius Mercator libellum contra Celestium, Pelagianorum, qui Constantinopoli erant, Caput, scripsit; hunc Ecclesiæ Constantinopolitanæ, non vero ejus Ecclesiæ Episcopo obtu-